

宋

書

十



志第十一

宋書二十

臣沈

約

新撰

樂三

但歌四曲出自漢世無弦節作伎最先一人倡
三人和魏武帝尤好之時有宋容華者清澈好
聲善倡此曲當時特妙自晉以來不復傳遂絕
相和漢舊歌也絲竹更相和執節者歌本一部
魏明帝分爲二更遞夜宿本十七曲朱生宋識
削和等復合之爲十三曲

相和

駕六龍

氣出倡

武帝詞

駕六龍乘風而行行四海外路下之八邦歷
登高山臨谿谷乘雲而行行四海外東到泰
山仙人玉女下來翱游驂駕六龍飲玉漿河
水盡不東流解愁腹飲玉漿奉持行東到蓬
萊山上至天之門王闕下引見得入赤松相
對四面顧望視正焜煌開玉心正興其氣百
道至傳告無窮閉其口但當愛氣壽萬年東

到海與天連神仙之道出窈入冥常當專之心
恬憺無所愒欲閉門坐自守天與期氣願得神
之人乘駕雲車驟駕白鹿上到天之門來賜神
之藥跪受之敬神齊當如此道自來華陰山
自以爲大高百丈浮雲爲之蓋仙人欲來出
隨風削之雨吹我洞簫鼓瑟琴何閭閻酒與
歌戲今日相樂誠爲樂玉女起起僂移數時
鼓吹一何嘈嘈從西北來時仙道多駕煙乘
雲駕龍鬱何蕩蕩遨遊八極乃到崑崙之山

西王母側神仙金止玉亭來者爲誰赤松王
喬乃德旋之門樂共飲食到黃昏多駕合坐
萬歲長宜子孫

游君山甚爲真確礧砢爾自爲神乃到王
母臺金階玉爲堂芝草生殿旁東西廂客滿
堂主人當行觴坐者長壽遽何央長樂甫始
宜孫子常願主人增年與天相守

厥初生

精削

武帝詞

厥初生造化之陶物莫不有終期莫不有終期

聖賢不能免何爲懷此憂願螭龍之駕思
想崐崙居思想崐崙居見期於迂怪志意在
蓬萊志意在蓬萊周孔聖祖落會稽以墳丘會稽以墳
丘陶陶誰能度君子以弗憂年之暮奈何過
時時來微

江南可採蓮

江南

古辭

江南可採蓮蓮葉何田田魚戲蓮葉間魚戲
蓮葉東魚戲蓮葉西魚戲蓮葉南魚戲蓮葉北

天地間

度關山

武帝辭

二頁十六字
天地間人爲貴立君牧民爲之軌則車轍馬迹
經緯四極絀陟幽明黎庶繁息於鑠賢聖總
統邦域封建五爵井田刑獄有燔丹書無普赦
贖臯陶甫刑何有失職嗟哉後世改制易律勞
民爲君役賦其力舜漆食器畔者十國不及唐
堯採椽不斲世歎伯夷欲以厲俗侈惡之大儉
爲恭德許由推讓豈有訟曲兼愛尚同疏者
爲戚

東光乎

東光乎

古辭

東充乎倉梧何不乎倉梧多腐粟無益諸軍糧
諸軍游蕩子蚤行多悲傷

登山有遠望

十五

文帝詞

登山而遠望谿谷多所有稷耨千餘尺衆草之
盛茂華葉耀人目五色難可紀雉雉山雞鳴虎
嘯谷風起號羆當我道狂顧動牙齒

惟漢二十二世

龔露

武帝詞

惟漢二十二世所任誠不良沐猴而冠帶智小
而謀強猶豫不敢斷因狩執君王白虹爲貫日

已亦先受殃賊臣持國柄殺主滅宇京蕩覆帝
基業宗廟以燔喪播越西遷移號泣而且行瞻
彼洛城郭微子爲哀傷

關東有義士

蒿里行

武帝詞

關東有義士興兵討羣凶初期會孟津乃心在
咸陽軍合力不齊躊躇而雁行勢利使人爭嗣
還自相戕淮南弟稱號刻璽於北方鎧甲生畿
輿萬姓以死亡白骨露於野千里無雞鳴生民
百遺一念之絕人腸

對酒歌太平時

對酒

武帝詞

對酒歌太平時吏不呼門王者賢且明宰相股肱皆忠良咸禮讓民無所爭訟三年耕有九年儲倉穀滿盈斑白不負戴雨澤如此五穀用成卻走馬以糞其上田爵公侯伯子男咸愛其民以黜陟幽明子養有若父與兄犯禮法輕重隨其刑路無拾遺之私囹圄空虛冬節不斷人耄耆皆得以壽終恩德廣及草木昆蟲

雞鳴高樹顛

雞鳴

古詞

雞鳴高樹顛狗吠深宮中蕩子何所之天下方
太平刑法非有貸柔協正亂名黃金爲君門璧
玉爲軒闌堂上有雙尊酒作使邯鄲倡劉玉碧
青甃後出郭門王舍後有方池池中雙鴛鴦鴛
鴦七十二羅削自成行鳴聲何啾啾聞我殿東
箱兄弟四五人皆爲侍中郎五日一時來觀者
滿道傍黃金絡馬頭頻頻何煌煌桃生露井上
李樹生桃傍蟲來齧桃根李樹代桃僵樹木身
相代兄弟還相忘

烏生八九子

烏生

古詞

烏生八九子端坐秦氏桂樹間
噉我秦氏家有游遨蕩子工用睢陽強
蘇合彈左手持強彈兩丸出入烏東西
噉我一丸卽發中烏身烏死魂魄飛揚
上天阿母生烏子時乃在南山巖石間
噉我人民安知烏子處蹊徑窈窕安從
通白鹿乃在上林西苑中射工尚復得
白鹿脯哺噉我黃鵠摩天極高飛後宮
尚復得亨煮之鯉魚乃在洛水深淵中
釣鉤尚得鯉魚口噉我人民生

各各有壽命死生何須復道前後

平陵東

平陵

古詞

平陵東松柏不知何人劫義公劫義公在高
堂下交錢百萬兩走馬兩走馬亦誠難顧見追
吏心中惻心中惻血出漉歸告我家賣黃犢

棄故鄉

亦在瑟調
東西門行

陌上桑

文帝詞

棄故鄉離室宅遠從軍旅萬里客披荊棘求阡
陌側足獨窘步路局窄虎豹嗥動雞驚禽失羣
鳴相索登南山柰何蹈槃石樹木叢生鬱差錯

寢蒿草蔭松栢涕泣兩面霑枕席伴旅單稍稍
日零落惆悵竊自憐相痛惜

今有人

陌上桑

楚詞鈔

今有人山之阿被服薜荔帶女蘿旣含睇又宜
笑子戀慕予善窈窕乘赤豹從文狸新夷車駕
結桂旗被石蘭帶杜衡折芳拔荃遺所思處幽
室終不見天路險艱獨後來表獨立山之上雲
何客客而在下杳冥冥晝晦東風飄颻神靈
雨風瑟瑟木搜搜思念公子徒以憂

宋書卷七十一
駕虹蜺

陌上桑

武帝詞

駕虹蜺乘赤雲登彼九疑歷王門濟天漢至崑崙見
西王母謁東君交赤松及羨門受要祕道愛精神食
芝英飲醴泉桂枝桂枝佩秋蘭絕人事游渾元若疾
風游欬飄飄景未移行數千壽如南山不忘愆

清商三調歌詩

荀勗撰舊詞施用者

平調

周西

短歌行

武帝詞

六解

周西伯昌懷此聖德參分天下而有其二脩奉

貢獻臣節不墜崇侯讒之是以拘繫

解後見赦

原賜之斧鉞得使征伐爲仲尼所稱達及德行

猶奉事殷論叙其美

解

齊桓之功爲霸之首九

合諸侯一匡天下一匡天下不以兵車正而不

譎其德傳稱

解三

孔子所歎并稱夷吾民受其恩

賜與廟胙命無下拜小白不敢爾天威在顏咫尺

尺

解四

晉文亦霸躬奉天王受賜珪瓚鉅鬯彤弓

盧弓矢千虎賁三百人

解五

威服諸侯師之者尊

八方聞之名亞齊桓河陽之會詐稱周王是以

其名紛葩

解六

秋風

燕歌行

文帝詞

解七

秋風蕭瑟天氣涼草木搖落露爲霜

解一

羣燕辭

歸鵲南翔念君客游多思腸

解二

慊慊思歸戀故鄉

君何淹留寄它方

解三

賤妾榮榮守空房憂來思

君不敢忘

解四

不覺淚下霑衣裳援瑟鳴弦發清

商

解五

短歌微吟不能長明月皎皎照我牀

解六

星

漢西流夜未央牽牛織女遙相望爾獨何辜限

河梁

解七

仰瞻

短歌行

文帝詞

八解

仰瞻帷幕俯察几筵其物如故其人不存

一解神

靈倏忽棄我遐遷靡瞻靡恃泣涕連連

二解呦呦

游鹿銜草鳴麇翩翩飛鳥挾子巢棲

三解

我獨孤

榮懷此百離憂心孔疾莫我能知

四解

人亦有言

憂令人老蒼我白髮生一何早

五解

長吟永歎懷

我聖考曰仁曰壽胡不是保

六解

別日

燕歌行

文帝詞

六解

別日何易會日難山川悠遠路漫漫

一解

鬱陶思

君未敢言寄書浮雲往不還解二涕零雨面毀形

顏誰能懷憂獨不歎解三耿耿伏枕不能眠披衣

出戶步東西解四展詩清歌聊自寬樂往哀來摧

心肝悲風清厲秋氣寒羅帷徐動經秦軒解五仰

戴星月觀雲間飛鳥晨鳴聲氣可憐留連顧懷

不自存解六

對酒

短歌行

武帝詞解六

對酒當歌人生幾何譬如朝露去日苦多解一慨

當以忼憂思難忘以何解愁唯有杜康解二青青

子衿悠悠我心但爲君故沈吟至今三解明明如

月何時可輟憂從中來不可斷絕四解呦呦鹿鳴

食野之苹我有嘉賓鼓瑟吹笙五解山不厭高水

不厭深周公吐哺天下歸心六解

清調

晨上

秋胡行

武帝詞

晨上散關山此道當何難晨上散關山此道當
何難牛頓不起車墮谷間坐槃石之上彈五弦
之琴作爲清角韻意中迷煩歌以言志晨上散

關山

解一

有何三老公卒來在我傍有何三老公

卒來在我傍員揜被裘似非恒人謂卿云何困

苦以自怨徨徨所欲來到此間歌以言志有何

三老公

解二

我居崐崙山所謂者真人我居崐崙

山所謂者真人道深有得名山歷觀遨游八

極枕石漱流飲泉沈吟不決遂上升天歌以言

志我居崐崙山

解三

去去不可追長恨相牽攀去

去不可追長恨相牽攀夜夜安得寐惆悵以自

憐正而不譎辭賦依因經傳所過西來所傳歌以

言志去去不可追

四解又

本晨二上二散二官

難二有二何二三老二

此二道二當二何二

我二倚二我二居二崕二

公二卒二來二在一

真二入二去二不二三

追二長二相二章二攀二

北上太二行二山二艱二

哉二何二魏二羊腸

坂詰屈車輪爲之摧一解樹木何蕭瑟二北二

風二聲二正二悲二熊羆對我蹲虎豹夾道啼

解谿谷少二入二民二雪二落二何二霏二霏

延頸長歎息遠行多所懷三解我心何二佛二

鬱^二思^一欲^二一^二東^二歸^二水深橋梁絕中

道正裴回

^{四解}

迷惑失^二徑^二路^二暝^二無^二所

^二宿^二棲^二行行日以遠人馬同時飢^{五解}儋^二

囊^二行^二取^二薪^二斧^二冰^二持^二作^二糜^二

悲彼東山詩悠悠使我哀

^{六解}

願登

秋胡行

武帝詞

^{五解}

願^二登^二泰^二華山山^二神^二人^二共^二遠^二

游^二經歷崐崙山到蓬萊飄飄八極與神人俱

思得神藥萬歲爲期歌以言志願登泰華山

^{一解}

天_二地_二何_二長_二久_二人_二道_二居_二之_二

短_二世言伯陽殊不知老赤松王喬亦云得道

得之未聞庶以壽考歌以言志天地何長久_{解二}

明_二明_二日_二月_二光_二何_二所_二不_二光_二

昭_二二儀合聖化貴者獨人不萬國率土莫非

王臣仁義爲名禮樂爲榮歌以言志明明日月

光_{解三}四_二時_二更_二逝_二去_二晝_二夜_二以_二

成_二歲_二大人先天而天弗違不戚年往世憂

不治存亡有命慮之爲蚩歌以言志四時更逝

去

解四

戚

戚

欲

何

念

歡

笑

意

二

所

之

盛

壯

智

惠

殊

不再來愛時進趣將以

惠

誰

汜

汜

放

逸

亦

同

何

爲

歌

以

言

志

戚

戚

欲

何

念

解五

上

謁

董

桃

行

古

詞

解五

吾

欲

上

謁

從

高

山

山

頭

危

嶮

大

難

遙

望

五

嶽

端

黃

金

爲

闕

班

璘

但

見

芝

草

葉

落

紛

紛

解一

百

鳥

集

來

如

煙

山

獸

紛

綸

麟

辟

邪

其

端

鷗

雞

聲

鳴

但

見

山

獸

援

戲

相

拘

攀

解二

小

復

前

行

玉

堂

未

心

懷

流

山

獸

援

戲

相

拘

攀

解二

小

復

前

行

玉

堂

未

心

懷

流

山

獸

援

戲

相

拘

攀

解二

小

復

前

行

玉

堂

未

心

懷

流

山

獸

援

戲

相

拘

攀

解二

小

復

前

行

玉

堂

未

還傳教出門來門外人何求所言欲從聖道求

一得命延

三解

教敕凡吏受言采取神藥若水端

白兔長跪擣藥蝦蟇丸奉上陛下下一玉拌服此

藥可得卽仙

四解

服爾神藥無不歡喜陛下長生

老壽四面肅肅稽首天神攤護左右陛下長與

天相保守

五解

蒲生

塘上行

武帝詞

五解

蒲

二生

我

二池

中

二其

葉何離離

傍能行

儀儀莫能縷自知衆口鑠黃金使君生別離

一解

念_二君_二去_二我_二時_二獨愁常苦悲想見君

顏色感結傷心脾今悉夜夜愁不寐_解莫_二用

_二豪_二賢_二故_二棄捐素所愛莫用魚肉貴棄

捐蕙與鼈莫用麻枲賤棄捐菅與蒹_解倍_二恩

_二者_二苦_二枯_二蹶船常苦沒教君安息定慎

莫致倉卒念與君一共離別亦當何時共坐復

相對_解出_二亦_二復_二苦_二愁_二入亦復苦愁

邊地多悲風樹木何蕭_二今日樂相樂延年壽

千秋_解五

悠悠

苦寒行

明帝詞

解五

悠悠發洛都并我征東行征行

彌旬屯吹隴陂城

解

顧觀故壘處皇祖

之所營屋室若平昔棟宇無邪傾

解

奈何我

皇祖潛德隱聖形雖沒而不朽書貴

垂休名

解

光光我皇祖軒耀同其榮

遺化布四海八表以肅清

解四

雖有吳蜀寇

春秋足耀兵徒悲我皇祖不永享百齡

賦詩以寫懷伏軾淚霑纓

解五

瑟調

朝日

善哉行

文帝詞

解五

朝日樂相樂，酣飲不知醉。悲弦激新聲，長笛吐

清氣

解一

弦歌感人腸。四坐皆歡說，寥寥高堂上。

涼風入我室

解二

持滿如不盈，有得者能卒。君子

多苦心，所愁不但一

解三

慊慊下白屋，吐握不可

失。衆賓飽滿歸，主人苦不悉

解四

比翼翔雲漢，羅

者安所羈。沖靜得自然，榮華何足爲

解五

上山

善哉行

文帝詞

解六

上山采薇薄暮苦饑溪谷多風霜露沾衣

解野

雉羣雖猿猴相追還望故鄉鬱何壘壘

解二

高山

有崖林木有支憂來無方人莫之知

解三

人生若

寄多憂何爲今我不樂歲月其馳

解四

湯湯川流

中有行舟隨波轉薄有似客游

解五

策我良馬被

我輕裘載馳載驅聊以忘憂

解六

朝游

善哉行

文帝詞

解五

朝游高臺觀夕宴華池陰大酉奉甘醪狩人獻

嘉禽

解一

齊倡發東舞秦箏奏西音有客從南來

爲我彈清琴

解二

五音紛繁會拊者激微吟淫魚乘

波聽踴躍自浮沈

解三

飛鳥翻翔舞悲鳴集北林

樂極哀情來慘亮摧肝心

解四

清角豈不妙德薄

所不任大哉子野言弭弦且自禁

解五

古公

善哉行

武帝詞

解七

古公亶甫積德垂仁思弘一道哲王於函

解一太

伯仲雖王德之仁行施百世斷髮文身

解二伯夷

叔齊古之遺賢讓國不用餓殂首山

解三

智哉山

甫相彼宣王何用杜伯累我聖賢

解四

齊桓之霸

賴得仲父後任豎刀蟲流出戶

解五

晏子平仲積

德兼仁與世沈德未必思命

解六

仲丘之世王國

爲君隨制飲酒揚波使官

解七

自惜

善哉行

武帝詞

解六

自惜身薄祐夙賤罹孤苦旣無三徙教不聞過

庭語

解一

其窮如抽裂自以思所怙雖懷一介志

是時其能與

解二

守窮者貧賤惋歎淚如雨泣涕

於悲夫乞活安能覩

解三

我願於天窮琅邪傾側

左雖欲竭忠誠欣公歸其楚

解四

快人曰爲歎抱

情不得叙顯行天教人誰知莫不緒

解五

我願何

時隨此歎亦難處今我將何照於光耀釋銜不

如雨

解六

我徂

善哉行

明帝詞

解八

我徂我征伐彼蠻虜練師簡卒爰正其旅

解一輕

舟竟川初鴻依浦栢栢猛毅如羆如虎

解二

發袍

若雷吐氣成雨旄旌指麾進退應矩

解三

百馬齊

轡御由造父休休六軍咸同斯武

解四

兼塗星邁

亮茲行阻行行日遠西背京許

解五

游弗淹旬遂

屈揚土奔寇震懼莫敢當御解六虎臣列將怫鬱

免怒淮泗肅清奮揚微所解七運德耀威惟鎮惟

撫反旆言歸告入皇祖解八

赫赫善哉行明帝詞解四

赫赫大魏王師徂征冒暑討亂振耀威靈解一汎

舟黃河隨波潺湲通渠回越行路綿綿解二采旄

蔽日旗旒翳天淫魚瀼瀼游戲深淵解三唯塘泊

從如流不爲單握揚楚心惆悵歌采薇心綿綿

在淮肥願君速捷蚤旋歸解四

來日

善哉行

古詞

解六

來日大難口燥脣乾今日相樂皆當喜歡

解一經

歷名山芝草翻翻仙人王喬奉藥一丸

解二

自惜

袖短內手知寒慙無靈輒以報趙宣

解三

月沒參

橫北斗闌干親交在門饑不及餐

解四

歡日尚少

戚日苦多以何忘憂彈箏酒歌

解五

淮南八公要

道不煩參駕六龍遊戲雲端

解六

大曲

東門

東門行

古詞

解四

出東門不顧歸來入門悵欲悲盎中無斗儲還

視桁上無縣衣

解一

拔劍出門去兒女牽衣啼它

家但願富貴賤妾與君共餽糜

解二

共餽糜上用

倉浪天故下爲哉口小兒今時清廉難犯教言

君復自愛莫爲非

解三

今時清廉難犯教言君復

自愛莫爲非行吾去爲遲平慎行望吾歸

解四

西山

折楊柳行

文帝詞

解四

西山一何高高殊無極上有兩仙僮不飲亦
不食與我一丸藥光耀有五色

解一

服藥四五日

身體生羽翼輕舉乘浮雲倏忽行萬億流覽觀
四海茫茫非所識解彭祖稱七百悠悠安可原
老聃適西戎于今竟不還王喬假虛詞赤松垂
空言解達人識真偽愚夫如妄傳追念往古事
憤憤千萬端百家多迂怪聖道我所觀解

羅敷

豔歌羅敷行

古詞

解

日出東南隅照我秦氏樓秦氏有好女自名爲
羅敷羅敷喜顰桑采桑城南隅青絲爲籠係桂
枝爲籠鉤頭上倭墮髻耳中明月珠綰綺爲下

羣紫綺爲上襦行者見羅敷下僂捋頭須少年
見羅敷脫帽著幘頭耕者忘其犁鋤者忘其鋤
來歸相怒怨但坐觀羅敷解一使君從南來五馬
立時蹕使君遣吏往問是誰家姝秦氏有好女

自名爲羅敷羅敷年幾何二十尚不足十五頗

有餘使君謝羅敷寧可共載不羅敷前置詞使

君一何愚使君自有婦羅敷自有夫解二東方千

餘騎夫婿居上頭何用識夫婿白馬從驪駒青

絲繫馬尾黃金絡馬頭腰中鹿盧劍可直千萬

餘十五府小史二十朝大夫三十侍中郎四十
專城居爲人潔白皙鬚鬚頗有須盈盈公府步
冉冉府中趨坐中數千人皆言夫壻殊三解前
有豔詞

曲後
有趨

西門

西門行

古詞

六解

出西門步念之今日不作樂當待何時一解夫爲

樂爲樂當及時何能坐愁悒當復來茲二解飲

醇酒炙肥牛請呼心所歡可用解愁憂三解人生

不滿百常懷千歲憂晝短而夜長何不秉燭游

解四自二非二仙二人二王二子二喬二計二會

二壽二命二難二與二期二解五人壽非金石年

命安可期貪財愛惜費但爲後世嗤六解一本

去之如雲除弊車羸馬爲自推無自非以下四十八字

默默

折楊柳行

古詞

解四

默默施行違厥罰隨事來末喜殺龍逢桀放於

鳴條

解一

祖伊言不用紂頭縣白旄指鹿用爲馬

胡亥以喪軀

解二

夫差臨命絕乃云負子胥戎王

納女樂以亾其由余璧馬禍及虢二國俱爲墟

三

卷之二十一

七

系

解三

三夫成市虎慈母投杼趨卞和之刖足接子

歸草廬

解四

園桃

煌煌京洛行

文帝詞

解五

夭夭園桃無子空長虛美難假偏輪不行

解一

淮

陰五行鳥得弓藏保身全名獨有子房大憤不

收褒衣無帶多言寡誠祇令事敗

解二

蘇秦之說

六國以亡傾側賣主車裂固當賢矣陳軫忠而

有謀楚懷不從禍卒不救

解三

禍夫吳起智小謀

大西河何健伏尸何劣

解四

嗟彼郭生古之雅人

智矣燕昭可謂得臣我我仲連齊之高士北辭

千金東蹈滄海

解五

白鵠

豔歌阿嘗

一曰飛鵠行

古詞

解四

飛來雙白鵠乃從西北來十五五羅列成行

解一妻卒被病行不能相隨五里一反顧六里一

裏回解二吾欲銜汝去口噤不能開吾欲負汝去

毛羽何摧糝解三樂哉新相知憂來生別離躊躇

顧羣侶淚下不自知解四念與君離別氣結不能

言各各重自愛道遠歸還難妾當守空房閉門

下重關若生當相見亡者會黃泉今日樂相樂

延年萬歲期

念與下爲
趨曲前有

碣石

步出夏門行

武帝詞

解四

雲行雨步超越九江之阜臨觀異同心意懷游豫不

知當復何從經過至我碣石心惆悵我東海

行臨

至此
爲豔

東臨碣石以觀滄海水何淡淡山島䟽峙

樹木叢生百草豐茂秋風蕭瑟洪濤湧起日月

之行若出其中星漢粲爛若出其裏幸甚至

哉歌以言志觀滄海

解一

孟冬十月北風裴回天

氣肅清繁霜霏霏鷄晨鳴鴻鴈南飛蟄鳥
潛藏熊羆窟棲錢鏹停置農收積場逆旅正設
以通賈商幸甚至哉歌以詠志冬十月二解鄉土不

同河朔隆寒流澌浮漂舟船行難雖不入地曹蘓賴

深奧水竭不流冰堅可蹈土隱者貧勇俠輕非心

常歎怨戚戚多悲幸甚至哉歌以詠志河朔寒三解

神龜雖壽猶有音時騰蛇未霧終爲土灰驥老

伏歷志在千里烈士暮年壯心不已盈縮之期不

但在天養怡之福可得永年幸甚至哉歌以詠

志神龜雖壽

解四

何嘗

豔歌何嘗行

古辭

解五

何嘗快獨無憂但當飲醇酒炙肥牛

解一

長兄爲

二千石中兄被貂裘

解二

小弟雖無官爵鞍馬馭

馭往來王侯長者遊

解三

但當在王侯殿上快獨

擣蒲六博對坐彈碁

解四

男兒居世各當努力蹶

迫日暮殊不久留

解五

少小相觸抵寒苦常相隨忿

恚安足諍吾中道與卿共別離約身奉事君禮

節不可虧上慙滄浪之夫下顧黃口兒奈何復

老心皇皇獨悲誰能知

少小下爲趨
曲前爲豔

置酒

野田黃雀行

空侯引亦
用此曲

東阿王詞

四解

置酒高殿上親交從我游中廚辦豐膳烹羊宰

肥牛秦箏何忼慨齊瑟和且柔

一解

陽阿奏奇舞

京洛出名謳樂飲過三爵綬帶傾庶羞主稱和

金壽賓奉萬年酬

二解

久要不可忘薄終義所尤

謙謙君子德磬折欲何求盛時不再來百年忽

我適

三解

驚風飄白日光景馳西流生存華屋處

零落歸山丘先民誰不死知命復何憂

四解

爲樂

滿歌行

解四

爲樂未幾時遭世險巖逢此百離伶仃荼毒愁
懣難支遥望辰極天曉月移憂來闐心誰當我
知一解戚戚多思慮耿耿不寧禍福無形唯念古
人遜位躬耕遂我所願以茲自寧自鄙山棲守
此一榮二解莫秋削風起西蹈滄海心不能安攬
衣起瞻夜北斗闌干星漢照我去去自無它奉
事二親勞心可言三解窮達天所爲智者不愁多
爲少憂安貧樂正道師彼莊周遺名者貴子熙

同戲往者二賢名垂千秋

解四

飲酒歌舞不樂何

須善哉照觀日月日月馳驅輶軻世間何有何

無貪財惜費此一何愚命如鑿石見火居世竟

能幾時但當歡樂自娛盡心極所熙怡安善養

君德性百年保此期頤

飲酒上為趣

夏門

步出夏門行

一曰龍西行

明帝詞

解二

步出夏門東登首陽山簷哉夷叔仲丘稱賢君

子退讓小人爭先惟斯二子于今稱傳林鐘受

謝節改時遷日月不居誰得久存善哉殊復善

弦歌樂情

解一

商風夕起悲彼秋蟬變形易色隨

風東西乃眷西顧雲霧相連丹霞蔽日采虹帶

天弱水潺潺落葉翩翩孤禽失羣悲鳴其間善

哉殊復善悲鳴在鳴其間

解二

朝游清冷日莫簷

歸

朝游上
爲豔

蹶迫日莫烏鵲南飛繞樹三匝何枝

可依卒逢風雨樹折枝摧雄來驚雌雌獨愁棲

夜失羣侶悲鳴衰田芄芄荆棘葛生綿綿感彼

風人惆悵自憐月盈則沖華不再繁古來之說

簷哉一言

蹶迫下
爲趣

王者布大化

權歌行

明帝詞

解二

王者布大化配乾稽后祗陽育則陰殺晷景應

度移

解一

文德以時振武功伐不隨重華儻千戚有

苗服從

解二

蠹爾吳蜀虜馮江棲山阻哀哀王

士民瞻仰靡依怙

解三

皇上悼愍斯宿昔奮天怒

發我許昌宮列舟于長浦

解四

翌日乘波揚棹歌

悲且涼大常拂白日旗幟紛設張

解五

將抗旄與

鉞耀威於彼方伐畢以弔民清我東南疆

將抗下為趨

洛陽行

鴈門太守行

古詞

解八

孝和帝在時洛陽令王君本自益州廣漢民小

行宦學通五綸論解一明知法令歷世衣冠從溫

補洛陽令治行致賢攤護百姓子養萬民解二外

行猛政內懷慈仁文武備具料民富貧移惡子

姓名五篇箸里解三端傷殺人比伍同臯對門禁

錮矛八尺捕輕薄少年加笞決臯詣馬市論解四

無妄發賊念在理冤赦吏正獄不得苛煩財用

錢三十買繩禮竿解五賢哉賢哉我縣王君臣吏

衣冠奉事皇帝功曹主簿皆得其人解六臨部居

職不敢行恩清身苦體夙夜勞勤治有能名遠

近所聞

解七

天年不遂蚤就奄昏爲君作祠安陽

亭西欲令後世莫不稱傳

解八

白頭吟

與權歌同調

古詞

解五

晴如山上雲皎若雲間月聞君有兩意故來相

決絕

解一

平生共城中何嘗斗酒會今日斗酒會

明旦溝水頭蹀躞御溝上溝水東西流

解二

郭東

亦有樵郭西亦有樵兩樵相推與無親爲誰驕

解三

淒淒重淒淒嫁娶亦不啼願得一心人白頭

不相離竹竿何嫋嫋魚尾何離從男兒欲相知
何用錢刀爲齒如五馬噉其川上高士嬉今日
相對樂延年萬歲期

一本云詞曰上有紫羅咄咄奈何

楚調怨詩

明月

東阿王詞

七解

明月照高樓流光正裴回上有愁思婦悲歎有
餘哀

一解

借問歎者誰自云客子妻夫行踰十載

賤妾常獨棲

二解

念君過於渴思君劇於饑君爲

高山柏妻爲濁水泥

三解

北風行蕭蕭烈烈入吾

耳心中念故人淚墮不能止

解四

沈浮各異路會

合當何諧願作東北風吹我入君懷

解五

君懷常

不開賤妾當何依恩情中道絕流止任東西

解六

我欲竟此曲此曲悲且長今日樂相樂別後莫

相忘

解七

志第十一

宋書二十一



宋書二十二

臣沈約新撰

樂四

漢顰舞歌五篇

關東有賢女

章和二年中

樂久長

四方皇

殿前生桂樹

魏顰舞歌五篇

明明魏皇帝

太和有聖帝

魏曆長

天生烝民

爲君旣不易

魏陳思王顰舞歌五篇

聖皇篇

當章和二年中

聖皇應曆數

正康帝道休

九州咸賓服

威德洞八幽

三公奏諸公

不得久淹畱

蕃位任至重

舊章咸率由

侍臣省文奏

陛下體仁慈

沈吟有愛戀

不忍聽可之

迫有官典憲

不得顧恩私

諸王當就國

璽綬何纍纍

優時舍外殿

宮省寂無人

主上增顧念

皇母懷苦辛

何以爲贈賜

傾府竭寶珍

文錢百億萬

采帛若煙雲

乘輿服御物

錦羅與金銀

龍旗垂九旒

羽蓋參班輪

諸王自計念

無功荷厚德

思一效筋力

縻軀以報國

鴻臚攤節衛

副使隨經營

貴戚並出送

夾道交輜輶

車服齊整設

韞華耀天精

武騎衛前後

鼓吹簫笳聲

祖道魏東門

淚下霑冠纓

扳蓋因內顧

俛仰慕同生

行行將日莫

何時還闕庭

車輪爲裴圓

四馬躊躇鳴

路人尚酸鼻

何況骨肉情

靈芝篇

當殿前生桂樹

靈芝生玉地

朱草被洛濱

榮華相晃耀

光采曄若神

古時有虞舜

父母頑且嚚

盡孝於田隴

烝烝不違仁

伯瑜年七十

采衣以娛親

慈母笞不痛

歔歔涕沾巾

丁蘭少失母

自傷蚤孤茆

刻木當嚴親

朝夕致三牲

梟子見陵侮

犯梟以亡形

犬人爲泣血

免戾全其名

董永遭家貧

父老財無遺

舉假以供養

傭作致甘肥

責家填門至

不知何用歸

天靈感至德

神女爲秉機

歲月不安居

烏乎我皇考

生我旣已晚

棄我何期蚤

蓼莪誰所興

念之令人老

退詠南風詩

灑淚滿禕袍

亂曰

聖皇君四海

德教朝夕宣

萬國咸禮讓

百姓家肅虔

庠序不失儀

孝悌處中田

戶有曾閔子

比屋皆仁賢

髻亂無大齒

黃髮盡其年

陛下三萬歲

慈母亦復然

大魏篇

當漢吉昌

大魏應靈符

天祿方甫始

聖德致泰和

神明爲驅使

左右宜供養

中殿宜皇子

陛下長壽考

羣臣拜賀咸說喜

積善有餘慶

榮祿固天常

衆善填門至

臣子蒙福祥

無患及陽遂

輔翼我聖皇

衆吉咸集會

凶邪姦惡竝滅亡

黃鵠游殿前

神鼎周四阿

玉馬充乘輿

芝蓋樹九華

白虎戲西除

含利從辟邪

騏驎躡足舞

鳳凰拊翼歌

豐年大置酒

王尊列廣庭

樂飲過三爵

朱顏暴已形

式宴不違禮

君臣歌鹿鳴

樂人舞輦鼓

百官雷抃贊若驚

儲禮如江海

積善若陵山

皇嗣繁且熾

孫子列曾玄

羣臣咸稱萬歲

陛下長樂壽年

御酒停未飲

貴戚跪東廂

侍人承顏色

奉進金玉觴

此酒亦真酒

福祿當聖皇

陛下臨軒笑

左右咸歡康

枯來一何遲

羣僚以次行

賞賜累千億

百官竝富昌

精微篇

當關中有賢女

精微爛金石

至心動神明

杞妻哭死夫

梁山爲之傾

子丹西質秦

烏日白角生

鄒美囚燕市

繁霜爲下零

關東有賢女

自字蘇來卿

壯年報父仇

身沒垂功名

女休逢赦書

自刃幾在頸

俱上列仙籍

去死獨就生

太倉令有辜

遠徵當就拘

自悲居無男

禍至無與俱

緹縈痛父言

何憺西上書

槃桓北闕下

泣淚何漣如

乞得并姊弟

沒身贖父軀

漢文感其義

肉刑法用除

其父得以免

辯義在刻圖

多男亦何爲

一女足成居

簡子南渡河

津吏廢舟舩

執法將加刑

女嬀擁權前

妾父聞君來

將涉不測淵

畏懼風波起

禱祝祭名川

備禮饗神祇

爲君求福先

不勝酬祀誠

至令犯罰艱

君必欲加誅

乞使知罪讐

妾願以身代

至誠感蒼昊

國君高其義

其父用赦原

河激秦中流

簡子知其賢

歸娉爲夫人

榮寵超後先

辯女解父命

何況健少年

黃初發和氣

明堂德教施

治道致太平

禮樂風俗移

刑錯民無枉

怨女復何爲

聖皇長壽考

景福常來儀

孟冬篇

當校免

孟冬十月

陰氣厲清

武官誠田

講旅統兵

元龜襲吉

元光著明

蚩尤蹕路

風弭雨停

乘輿啓行

鸞鳴幽軋

虎賁采騎

飛象珥鸛

鐘鼓鏗鏘

簫管嘈喝

萬騎齊鑣

千乘等蓋

夷山填谷

平林滌藪

張羅萬里

盡其飛走

翟翟校免

揚白跳翰

獵以青骹

掩以脩竿

韓盧宋鵠

呈才騁足

噬不盡縲

牽麋倚鹿

魏氏發機

養基撫弦

都盧尋高

校索族援

慶忌孟賁

蹈谷超巒

張目決眚

髮怒穿冠

頓熊扼虎

蹠豹搏羆

氣有餘勢

負象而趨

獲車旣盈

日側樂終

罷役解徒

大饗離宮

亂曰

聖皇臨飛軒

論功校獵徒

死禽積如京

流血成溝渠

明詔大勞賜

大官供有無

走馬行酒醴

驅車布肉魚

鳴鼓舉觴爵

鐘擊位無餘

絕網縱麟麇

弛罩出鳳雛

收功在羽校

威靈振鬼區

陛下長懽樂

永世合天符

晉輦舞歌五篇

洪業篇

鼙鼓歌當魏曲明明魏皇帝

古曲關東有賢女

宣文翔洪業

盛德在泰和

聖皇應靈符

受命君四海

萬國何所樂

上有明天子

唐堯禪帝位

虞舜惟恭己

恭己正南面

道化與時移

大赦盪萌漸

文教被黃支

象天則地

體無爲

聰明配日月

神聖參兩儀

雖有三凶類

靜言無所施

象天則地

體無爲

稷契竝佐命

伊呂升王臣

蘭芷登朝肆

下無失宿民

聲發鄉貢應

表立景來附

虓虎從羈制

潛龍升天路

備物立成器

變通極其數

百事以時敘

萬機有常度

訓之以克讓

納之以忠恕

羣下仰清風

海外同懽慕

象天則地

化雲布

昔日貴雕飾

今尚儉與素

昔日多纖介

今去情與故

象天則地

化雲布

濟濟大朝士

夙夜綜萬機

萬機無廢理

明明降疇咨

臣譬列星景

君配朝日暉

事業並通濟

功烈何巍巍

五帝繼三皇

三王世所歸

聖德應期運

天地不能違

仰之彌已高

猶天不可階

將復御龍氏

鳳皇在庭棲

天命篇

輦舞歌當魏曲大和有聖帝

古曲章和二年中

聖祖受天命

應期輔魏皇

入則綜萬機

出則征四方

朝廷無遺理

方表寧且康

道隆舜臣堯

積德踰大王

孟度阻窮險

造亂天一隅

神兵出不意

奉命致天誅

赦善戮有罪

元惡宗爲虛

威風震勁蜀

武烈懾疆吳

諸葛不知命

肆逆亂天常

擁徒十餘萬

數來寇邊疆

我皇邁神武

秉鉞鎮雍涼

亮乃畏天威

未戰先仆僵

盈虛自然運

時變固多難

東征陵海表

萬里梟賊淵

受遺齊七政

曹爽又滔天

羣凶受誅殛

百祿咸來臻

黃華應福始

王凌爲禍先

景皇帝 鼙舞歌當魏曲魏曆長 古曲樂久長

景皇帝 聰明命世生 盛德參天地

帝王道 創基旣已難 繼世亦未易

外則夏侯玄

內則張與李

三凶稱逆

亂帝紀

從天行誅

窮其姦宄

遏將御其漸

潛謀不得起

罪人咸伏辜

威風震萬里

平衡綜萬機

萬機無不理

召陵栢不君

內外何紛紛

衆小便成羣

蒙昧恣恣

治亂不分

叡聖獨斷

濟武常以文

從天惟廢立

掃霓披浮雲

雲霓旣已闢

清和未幾閒

羽檄首尾至

變起東南蕃

儉欽爲長蛇

外則馮吳蠻

萬國紛騷擾

戚戚天下懼不安

神武御六軍

我皇秉鉞征

儉欽起壽春

前鋒據項成

出其不意竝縱奇兵

奇兵誠難御

廟勝實難支

兩軍不期遇

敵退計無施

虎騎惟武進

大戰沙陽陂

欽乃亡魂走

奔虜若雲披

天恩赦有辜

東土放鯨鯢

大晉篇輦舞歌當魏曲天生烝民古曲四方皇

赫赫大晉

於穆文皇

蕩蕩巍巍

道邁陶唐

世稱三皇帝

及今重其光

九德克明

文旣顯武章

恩弘六合

兼濟萬方

內舉元凱

朝政以綱

外簡虎臣

時惟鷹揚

靡從不懷

逆命斯亡

仁配春日

威踰秋霜

濟濟多士

同茲蘭芳

唐虞至治

四凶滔天

致討儉欽

罔不肅虔

化感海外

海外來賓

獻其聲樂

竝稱妾臣

西蜀猾夏

僭號方域

命將致討

委國稽服

吳人放命

馮海阻江

飛書告諭

響應來同

先王建萬國

九服爲蕃衛

亡秦壞諸侯

序胙不三世

歷代不能復

忽踰五百歲

我皇邁聖德

應期勅典制

分土五等

蕃國正封界

莘莘文武佐

千秋遘嘉會

洪業溢區內

仁風翔海外

明君篇

輦舞歌當魏曲爲君旣不易

古曲殿前生桂樹

明君御四海

聽鑑盡物情

顧望有譴罰

竭忠身必榮

蘭茝出荒野

萬里升紫庭

茨草穢堂階

埽截不得生

能否莫相蒙

百官正其名

恭已慎有爲

有爲無不成

闇君不自信

羣下執異端

正直懼譖潤

姦臣奪其權

雖欲盡忠誠

結舌不敢言

結舌亦何憚

盡忠爲身患

清流豈不潔

飛塵濁其源

岐路令人迷

未遠勝不還

忠臣立君朝

正色不顧身

邪正不並存

譬若胡與秦

秦胡有合時

邪正各異津

忠臣遇明君

乾乾惟日新

羣目統在綱

衆星拱北辰

設令遭闇主

斥退爲凡民

雖薄共時用

白茅猶可珍

冰霜晝夜結

蘭桂摧爲新

邪臣多端變

用心何委曲

便辟從情指

動隨君所欲

偷安樂目前

不問清與濁

積僞罔時主

養交以持祿

言行恒相違

難饜其谿谷

昧死射乾沒

覺露則滅族

右五篇輦舞歌行

鐸舞歌詩二篇

聖人制禮樂篇

昔皇文武邪

彌彌含善

誰吾時吾

行許帝道

銜來治路萬邪

治路萬邪

赫赫

意黃運道吾

治路萬邪

善道明邪金邪

善道

明邪金邪帝邪

近帝武武邪邪

聖皇八音

偶邪尊來

聖皇八音

及來義邪同邪

烏及來義邪

善草供國吾

咄等邪烏

近帝邪武邪

近帝武邪武邪

應節合用

武邪尊邪

應節合用

酒期義邪同邪

酒期義邪

善草供國吾

咄等邪烏

近帝邪武邪

近帝武邪邪

下音足木

上爲鼓義邪

應衆義邪

樂邪邪延否

已邪烏已禮祥

咄等邪烏

素女有絕其聖烏烏武邪

雲門篇

鐸舞歌行當魏太和時

黃雲門

唐咸池

虞韶武

夏殷濩

刑伐有五

振鐸鳴金

近大武

清歌發倡

刑爲主

聲和八音

協律呂

身不虛動

手不徒舉

應節合度

周其叙

時奏宮商

雜之以徵羽

不厭衆目

上從鐘鼓

樂以移風

與德禮相輔

安有失其所

右二篇鐸舞歌行

拂舞歌詩五篇

白鳩篇

翩翩白鳩

再飛再鳴

懷我君德

來集君庭

白雀呈瑞

素羽明鮮

翔庭舞翼

以應仁乾

交交鳴鳩

或丹或黃

樂我君惠

振羽來翔

東壁餘光

魚在江湖

惠而不費

敬我微軀

策我良駟

習我驅馳

與君周旋

樂道亡餘

我心虛靜

我志霑濡

彈琴鼓瑟

聊以自娛

陵雲登臺

浮游太清

扳龍附鳳

日望身輕

濟濟篇

暘飛暘舞

氣流芳

追念三五

大綺黃

去失有

時可行

去來同時

此未央

時冉冉

近桑榆

但當飲酒

爲歡娛

衰老逝

有何期

多憂耿耿

內懷思

淵池廣

魚獨希

願得黃浦

衆所依

恩感人

世無比

悲歌具舞

無極已

獨祿篇

獨祿獨祿

水深泥濁

泥濁尚可

水深殺我

雖雖雙雁

游戲田畔

我欲射雁

念子孤散

翩翩浮萍

得風遙輕

我心何合

與之同井

空牀低帷

誰知無人

夜衣錦繡

誰別僞真

刀鳴削中

倚牀無施

父冤不報

欲活何爲

猛虎班班

游戲山間

虎欲嚙人

不避豪賢

碣石篇

東臨碣石

以觀滄海

水何澹澹

山島竦峙

樹木叢生

百草豐茂

秋風蕭瑟

洪波湧起

日月之行

若出其中

星漢粲爛

若出其裏

幸甚至哉

歌以詠志

觀滄海

孟冬十月

北風裊回

天氣肅清

繁霜霏霏

鷗鷀晨鳴

鴈過南飛

鷲鳥潛藏

熊羆窟棲

錢鏹停置

農收積場

逆旅整設

以通賈商

幸甚至哉

歌以詠志

冬十月

鄉土不同

河朔隆寒

流澌浮漂

舟舩難行

錐不入地

豐籟深奧

水竭不流

冰堅可蹈

士隱者貧

勇俠輕非

心常歎怨

戚戚多悲

幸甚至哉

歌以詠志

土不同

神龜雖壽

猶有竟時

騰蛇乘霧

終爲土灰

老驥伏櫪

志在千里

烈士莫年

壯心不已

盈縮之期

不但在天

養怡之福

可得永年

幸甚至哉

歌以詠志

龜雖壽

淮南王篇

淮南王

自尊言

百尺高樓與天連

後園鑿井銀作牀

金瓶素綆汲寒漿

汲寒漿

飲少年

少年窈窕何能賢

揚聲悲歌音絕天

我欲度河河無梁

願化雙黃鵠

還故鄉

還故鄉

入故里

徘徊故鄉

身不已

繁舞寄聲無不泰

徘徊桑梓遊天外

右五篇拂舞行

柸槃舞歌詩一篇

晉世寧

四海平

昔天安樂永大寧

四海安

天下歡

樂治興隆舞柸槃

舞柸槃

何翩翩

舉坐翻覆壽萬年

天與日

終與一

左回右轉不相失

箏笛悲

酒舞疲

心中慷慨可健兒

樽酒甘

絲竹清

願令諸君醉復醒

醉復醒

時合同

四坐歡樂皆言工

絲竹音

可不聽

亦舞此繁左右輕

自相當

合坐歡樂人命長

人命長

當結友

千秋萬歲皆老壽

右杯槃舞歌行

巾舞歌詩一篇

吾不見公莫時吾何嬰公來嬰姥時吾哺聲何
爲茂時爲來嬰當思吾明月之上轉起吾何嬰
士來嬰轉去吾哺聲何爲士轉南來嬰當去吾
城上羊下食草吾何嬰下來吾食草吾哺聲汝何

三年針縮何來嬰吾亦老吾平平門淫涕下吾何
嬰何來嬰涕下吾哺聲昔結吾馬客來嬰吾當
行吾度四州洛四海吾何嬰海何來嬰海何來
嬰四海吾哺聲煢西馬頭香來嬰吾洛道吾治
五丈度汲水吾噫邪哺誰當求兒母何意零邪
錢健步哺誰當吾求兒母何吾哺聲三針一發
交時還弩心意何零意弩心遙來嬰弩心哺聲
復相頭巾意何零何邪相哺頭巾相吾來嬰頭巾
母何何吾復來推排意何零相哺推相來嬰推

非母何吾復車輪意何零子以邪相哺轉輪吾
來嬰轉母何吾使君去時意何零子以邪使君
去時使來嬰去時母何吾思君去時意何零子以
邪思君去時思來嬰吾去時母何何吾吾

右公莫巾舞歌行

白紵舞歌詩三篇

高舉兩手白鵠翔

輕軀徐起何洋洋

凝停善睐容儀光

宛若龍轉乍低昂

隨世而變誠無方

如推若引留且行

宋世方昌樂未央

舞以盡神安可忘

愛之遺誰贈佳人

質如輕雲色如銀

袍以光軀巾拂塵

制以爲袍餘作巾

四坐歡樂胡可陳

清歌徐舞降祇神

右一篇

雙袂齊舉鸞鳳翔

羅裾飄飄昭儀光

趨步生姿進流芳

鳴弦清歌及三陽

人生世間如電過

樂時每少苦日多

幸及良辰曜春花

齊倡獻舞趙女歌

義和馳景逝不停

春露未晞嚴霜零

百草凋落英

蟋蟀吟牖寒蟬鳴

百年之命忽若傾

蚤知迅速秉燭行

東造扶桑游紫庭

西至崑崙戲曾城

右一篇

陽春白日風花香

趨步明玉舞瑤璫

聲發金石媚笙簧

羅袿徐轉紅袖揚

清歌流響繞鳳梁

如矜若思凝且翔

轉眄遺精豔輝光

將流將引雙雁翔

歡來何晚意何長

明君御世永歌倡

右一篇白紵舊新合三篇

宋泰始歌舞曲詞

皇業

頌歌自堯至楚元王
高祖世世載聖德

明帝造

皇業沿德建

帝運資勲融

胤唐重盛軌

胄楚載休風

堯舜兆深祥

元王衍遐慶

積善傳上業

昨福啓聖聖

衰數隨金祿

登曆昌水命

維宋來光烈

世美流舞咏

聖祖頌

聖祖惟高德

積勲代晉曆

永建享鴻基

萬古盛音冊

叡文纘宸馭

廣運崇帝聲

衍德被仁祉

畱化洽民靈

孝建締孝業

允協天人謀

宇內齊政軌

宙表燭威流

鐘管騰列聖

彝銘賁重猷

明君大雅

虞龢造

明君應乾數

撥亂紐續基

民慶來蘇日

國頌薰風詩

天步或躔難

列蕃扇迷慝

廟勝敷九代

神謨洞七德

文教洗昏俗

武誼清褊埏

英勲冠帝則

萬壽永衍天

通國風

明帝造

開寶業

資賢昌

謨明盛

弼諧光

烈武惟略

景王勲

南康華容

變政文

猛績爰著

有左軍

三王到氏

文武贊

丞相作輔

屬伊旦

沈柳宗侯

皆殄亂

泰始開運

超百王

司徒驃騎

勲德康

江安謀效

殷誠彰

劉沈承規

功名揚

慶歸我后

胙無疆

天符頌

明帝造

天符革運

世誕英皇

在館神炫

既壯龍驤

六鍾集表

四緯駢光

於穆配天

永休厥祥

明德頌

明帝造

明德孚教

幽符麗紀

山鼎見奇

醴液涵祉

鷁雛耀儀

騶虞游趾

福延億胙

慶流萬祀

帝圖頌

帝圖凝遠

瑞美昭宣

濟流月鏡

鹿毳霜鮮

甘露降和

花雪表年

孝德載衍

芳風永傳

龍躍大雅

龍躍式符

王耀蕃宮

歲淹豫

璽屬嬪中

江波澈映

石柏開文

觀毓花藥

樓凝景雲

白鳥三獲

甘液再呈

嘉穗表沃

連理協成

德充動物

道積通神

宋業允大

靈瑞方臻

淮祥風

淮祥應

賢彥生翼贊中興

致太平

宋世大雅

虞繇造

宋世寧

在泰始

醉酒歡

飽德喜

萬國朝

上壽酒

帝同天

惟長久

治兵大雅

明帝造

王命治兵

有征無戰

巾拂以淨

醜類革面

王儀振旅

載戢在辰

中虛巾拂

四表靜塵

白紵篇大雅

明帝造

在心曰志發言詩

聲成于文被管絲

手舞足蹈欣泰時

移風易俗王化基

琴角揮韻白雲舒

簫韶協音神鳳來

拊擊和節詠在初

章曲乍畢情有餘

文同軌壹道德行

國靖民和禮樂成

四縣庭響美勲英

八列陛倡貴人聲

舞飾麗華樂容工

羅裳皎日袂隨風

金翠列輝蕙麝豐

淑姿委體允帝衷

漢鼓吹鐃歌十八曲

朱鷺曲

朱鷺魚以烏路訾邪鷺何食食茄下不之食不

以吐將以問誅

一作諫者

思悲翁曲

思悲翁唐思奪我美人侵以遇悲翁也但我思

蓬首

一作叢

狗逐狡兒食交君臬子五臬母六拉

皆高飛莫安宿

艾如張曲

艾而張羅夷於何行成之四時和山出黃雀亦有羅雀以高飛柰雀何爲此倚欲誰肯礫室

上之回曲

上之回所中益夏將至行將北以承甘泉宮寒暑德游石關望諸國月支臣匈奴服令從百官疾驅馳千秋萬歲樂無極

翁離曲

攤離趾中可築室何用葺之蕙用蘭攤離趾中戰城南曲

戰城南死郭北野死不葬烏可食爲我謂烏且
爲客豪野死諒不葬腐肉安能去子逃水深激
激蒲葦冥冥梟騎戰關死驚馬裴回鳴梁築室
何以南梁何北禾黍而穫君何食願爲忠臣安
可得思子良臣良臣誠可思朝行出攻莫不夜
歸

巫山高曲

巫山高高以大淮水深難以逝我欲東歸害梁
不爲我集無高曳水何梁湯湯回回臨水遠望

泣下霑衣遠道之人心思歸謂之何

上陵曲

上陵何美美下津風以寒問客從何來言從水
中央桂樹爲君船青絲爲君竿木蘭爲君櫂黃
金錯其間滄海之雀赤翅鴻白鴈隨山林乍開
乍合曾不知日月明醴泉之水光澤何蔚蔚芝
爲車龍爲馬覽遨游四海外甘露初二年芝生
銅池中仙人下來飲延壽千萬歲

將進酒曲

將進酒乘太白辨加哉詩審搏放故歌心所作
同陰氣詩悉索使禹良工觀者苦

君馬黃歌

君馬黃臣馬蒼三馬同逐臣馬良易之有騄蔡
有赭美人歸以南駕車馳馬美人傷我心佳人
歸以北駕車馳馬佳人安終極

芳樹曲

芳樹日月君亂如於風芳樹不上無心溫而鵲
三而爲行臨蘭池中懷我悵心不可匡目不

可顧妬人之子愁殺人君有它心樂不可禁王
將何似如孫如魚乎悲矣

有所思曲

有所思乃在大海南何用問遺君雙珠璫瑁簪
用玉紹繚之聞君有它心拉雜摧燒之摧燒之
當風揚其灰從今以往勿復相思相思與君絕
雞鳴狗吠兄嫂當知之妃呼狶秋風肅肅晨風
颼東方須臾更高知之

雉子曲

雉子班如此之于雉梁無以吾翁孺雉子知得
雉子高飛止黃鵠蜚之以重王可思雄來蜚從
雌視子趨一雉雉子車大駕馬滕被王送行所
中堯芊蜚從王孫行

聖人出曲

聖人出陰陽和美人出游九河佳人來駢離哉
何駕六飛龍四時和君之臣明護不道美人哉
宐天子免甘星筮樂甫始美人子含四海

上邪曲

上邪我欲與君相知長命無絕衰山無陵江水
爲竭冬雷震震夏雨雪天地合乃敢與君絕

臨高臺曲

臨高臺以軒下有清水清且寒江有香草日以蘭
黃鵠高飛離哉翻關弓射鵠令我主壽萬年收
中吾

遠如期曲

遠如期益如壽處天左側大樂萬歲與天無極
雅樂陳佳哉紛單于自歸動如驚心虞心大佳

宋書志十二
萬人還來謁者引鄉殿陳累世未嘗聞之增壽
萬年亦誠哉

石留曲

石留涼陽涼石水流爲沙錫以微河爲香向始蘇
冷將風陽北逝肯無敢與干楊心邪懷蘭志金安
薄北方開留離蘭

魏鼓吹曲十二篇

繆襲造

漢第一曲朱鷺今第一曲初之平言魏也

初之平

義兵征

神武奮

金鼓鳴

邁武德

揚洪名

漢室微

社稷傾

皇道失

桓與靈

閹官熾

羣雄爭

邊韓起

亂金城

中國擾

無紀經

赫武皇

起旌旗

麾天下

天下平

濟九州

九州寧

勦武功

武功成

越五帝

顓三王

興禮樂

定紀綱

晉日月

齊暉光

右初之平曲凡三十句句三字

漢第二曲思悲翁今第二曲戰榮陽言曹公也

戰滎陽

汴水陂

戎士憤怒

貫甲馳

陳未成

退徐滎

二萬騎

塹壘平

戎馬傷

六軍驚

勢不集

衆幾傾

白日沒

時晦冥

顧中牟

心屏營

同盟疑

計無成

賴我武皇

萬國寧

右戰滎陽曲凡二十句其十八句句三

字二句句四字

漢第三曲艾如張今第三曲獲呂布言曹公東圍臨淮生擒呂布也

獲呂布

戮陳宮

芟夷鯨鯢

驅騁羣雄

囊括天下

運掌中

右獲呂布曲凡六句其三句句三字三

句句四字

漢第四曲上之回今第四曲克官渡言曹公與
袁紹戰破之於官渡也

克紹官渡

由白馬

僵屍流血

被原野

賊衆如羊

王師尚寡

沙塹傍

風飛揚

轉戰不利

士卒傷

今日不勝

後何望

土山地道

不可當

卒勝大捷

震冀方

屠城破邑

神武遂章

右克官度曲凡十八句其八句句四字

一句句五字九句句三字

漢第五曲翁離今第五曲舊邦言曹公勝袁紹
於官度還譙收藏士卒死亡也

舊邦蕭條

心傷悲

孤魂翩翩

當何依

游士戀故

涕如摧

兵起事大

令願違

傳求親戚

在者誰

立廟置後

魂來歸

右舊邦曲凡十二句其六句句三字六
句句四字

漢第六曲戰城南今第六曲定武功言曹公初
破鄴武功之定始乎此也

定武功

濟黃河

河水湯湯

曷有橫渡

袁氏欲衰

兄弟尋戈

決漳水

水流滂沱

殲城中如流魚

讎龍復顧豪

計窮慮盡

求來連和

和不時

心中憂戚

賊衆內潰

君臣奔北

拔鄴城

奄有魏國

王業艱難

覽觀古今

可爲長歎

右定武功曲凡二十一一句其五句句三字三句句六字十二句句四字一句字
漢第七曲巫山高今第七曲屠柳城言曹公越
北塞歷白檀破三郡烏桓於柳城也

屠柳城

功誠難

越度隴塞

路漫漫

北踰岡平

偏聞悲風酸

蹋頓授首

遂登蒼狼山

神武熟海外

永無北顧患

右屠柳城曲凡十句其三句句三字三

句句四字三句句五字一句六字

漢第八曲上陵今第八曲平南荆言曹公南平
荆州也

南荆何遼遼

江漢濁不清

菁茅久不貢

王師赫南征

劉琮據襄陽

賊備屯樊城

六軍廬新野

金鼓震天庭

劉子面縛至

武皇許其成

許與其成

撫其民

陶陶江漢間

曾爲大魏臣

大魏臣

向風思自新

思自新

齊功古人

在昔虞與唐

大魏得與均

多選忠義士

爲喉脣

天下一定

萬世無風塵

右平南荆曲凡二十四句其十七句句

五字四句句三字三句句四字

漢第九曲將進酒今第九曲平關中言曹公征馬超定關中也

平關中

路向潼

濟濁水

立高墉

關韓馬

離羣凶

選驍騎

縱兩翼

虜崩潰

級萬億

右平關中曲凡十句句三字

漢第十曲有所思今第十曲應帝期言曹文帝
以聖德受命應運期也

應帝期

於昭我文皇

曆數承天序

龍飛自許昌

聰明昭四表

恩德動遐方

星辰爲垂耀

日月爲重光

河洛吐符瑞

草木挺嘉祥

麟麟步郊野

黃龍游津梁

白虎依山林

鳳凰鳴高岡

考圖定篇藉

功配上古義皇

義皇無遺文

仁聖相因循

期運三千歲 一生聖明君 堯舜授舜萬國

萬國皆附親 四門爲穆穆 教化常如神

大魏興盛 與之爲鄰

右應帝期曲凡二十六句其一句三字

二句四字二十二句句五字一句六字

漢第十一曲芳樹今第十一曲邕熙言魏氏臨

其國君臣邕穆庶績咸熙也

邕熙 君臣念德 天下治

登帝道 獲瑞寶 頌聲竝作

洋洋浩浩

吉日臨高堂

置酒列名倡

歌聲何紆餘

雜笙簧

八音諧

有紀綱

子孫永建萬國

壽考樂無央

右邕熙曲凡十五句其六句句三字三
句句四字一句二字三句句五字二句
句六字

漢第十二曲上邪今第十二曲太和言魏明帝
繼體承統太和改元德澤流布

惟太和元年

皇帝踐阼

聖且仁

德澤爲流布

灾蝗一時爲絕息

上天時雨露

五穀溢田疇

四民相率遵軌度

事務徵清

天下獄訟察以情

元首明

魏家如此

那得不太平

右太和曲凡十三句其二句句三字五

句句五字三句句四字三句句七字

晉鼓吹歌曲二十二篇

傅玄作

靈之祥

古朱鷺行

靈之祥言宣皇帝之佐魏猶虞舜之事堯也既有石瑞之徵又能用武以誅孟度之逆命也

靈之祥

石瑞章

旌金德

出西方

天命降

授宣皇

應期運

時龍驤

繼大舜

佐陶唐

贊武文

建帝綱

孟氏叛

據南疆

追有扈

亂五帝

吳寇勁

蜀虜彊

交誓盟

連遐荒

宣赫怒

奮鷹揚

震乾威

耀電光

陵九天

陷石城

梟逆命

拯有生

萬國安

四海寧

宣受命

古思悲翁行

宣受命言宣皇帝禦諸葛亮養威重運神兵亮
震怖而死

宣受命

應天機

風雲時動

神龍飛

禦葛亮

鎮雖涼

邊境安

民夷康

務節事

勤定傾

覽英雄

保持盈

淵穆穆

赫明明

沖而泰

天之經

養威重

運神兵

亮乃震死

天下寧

征遼東

古艾而張行

征遼東言宣皇帝陵大海之表討滅公孫淵而梟其首也

征遼東

敵大據

威靈邁日域

淵既授首

羣逆破膽

威震怖

朔北響應

海表梟附

武功赫赫

德雲布

宣輔政

古上之回行

宣輔政言宣皇帝聖道深遠撥亂反正網羅文

武之才以定二儀之序也

宣皇輔正

聖烈深

撥亂反正

從天心

網羅文武才

慎厥所生

所生賢

遺教施

安上治民

化風移

肇勅帝基

洪業垂

於鑠明明

時赫戲

功濟萬世

定二儀

定二儀

靈澤雨施

海外風馳

時運多

古攤離行

時運言宣皇帝致討吳方有征無戰也

時運多難

道教痛

天地變化

有盈虛

蠢爾吳蠻

虎視江湖

我皇赫斯

致天誅

有征無戰

弭其圖

天威橫被

震東隅

景龍飛

古戰城南行

景龍飛言景帝克明威教賞從夷逆
昨隆無疆
崇此洪基也

景龍飛

御天威

聰鑑玄發

動與神協機

從之者顯

逆之者滅夷

文教敷

武功巍

普被四海

萬邦望風

莫不來綏

聖德潛斷

先天弗違

弗違祥

享世永長

猛以致寬

道化光

赫明明

昨隆無疆

帝績惟期

有命既集

崇此洪基

平玉衡

古巫山高行

平玉衡言景皇帝一萬國之殊風齊四海之乖
心禮賢養士而纂洪業也

平玉衡

糾姦回

萬國殊風

四海乖

禮賢養士

羈御英雄思心齊

纂戎洪業

崇皇階

品物咸亨

聖敬日踰

聰鑑盡下情

明明綜天機

文皇統百揆

古上陵行

百揆言文皇帝始統百揆用人有序以敷泰乎之

化也

文皇統百揆

繼天理萬方

武皇鎮四寓

英佐盈朝堂

謀言協秋蘭

清風發其芳

洪澤所漸潤

礫石爲珪璋

大道侔五帝

盛德踰三王

咸光大

上參天與地

至化無內外

無內外

六合並康乂

並康乂

邁茲嘉會

在昔義與農

大晉德斯邁

鎮征及諸州

爲蕃衛

功濟四海

洪烈流萬世

因時運

古將進酒行

因時運言文皇帝因時運變聖謀潛施解長蛇之交離羣桀之黨以武濟文審其大計以邁其德也

因時運

聖策施

長蛇交解

羣桀離

勢窮奔吳

虎騎厲

惟武進

審大計

時邁其德

清世

惟庸蜀

古有所思行

惟庸蜀言文皇帝既平萬乘之蜀封建萬國復

五等之爵也

惟庸蜀

僭號天一隅

劉備逆帝命

禪亮承其餘

擁衆數十萬

闕隙乘我虛

驛騎進羽檄

天下不遑居

姜維屢寇邊

隴上爲荒墟

文皇愍斯民

歷世受辜辜

外謨蕃屏臣

內謀衆士夫

爪牙應指授

腹心同獻良圖

良圖協成文

大興百萬軍

雷鼓震地起

猛勢陵浮雲

逋虜畏天誅

面縛造壘門

萬里同風教

逆命稱妾臣

三百五
光建五等

紀綱天人

天序

古芳樹行

天序言聖皇應曆受禪弘濟大化用人各盡其才也

天序

應曆受禪

承靈祐

御羣龍

勒螭虎

弘濟大化

英雋作輔

明明統萬機

赫赫鎮四方

咎繇稷契之疇協蘭芳

禮王臣

覆兆民

化之如天與地

誰敢愛其身

大晉承運期

古上邪行

大晉承運期言聖皇應籙受圖化象神明也

大晉承運期

德隆聖皇

時清晏

白日邈光

應籙圖陟帝位

繼天正玉衡

化行象神明

義道隆虞與唐

元首敷洪化

百寮股肱竝忠良

民大康

隆隆赫赫

福祚盈無疆

金靈運

古君馬行

靈運言聖皇踐阼致敬宗廟而孝道施於天下也

金靈運 天符發 聖徵見 參日月 惟我皇
體神聖 受魏禪 應天命 皇之興 靈有徵
登大麓 御萬乘 皇之輔 若虓虎 爪牙奮
莫之禦 皇之佐 贊清化 百事理 萬邦賀
神祇應 嘉瑞章 恭享祀 薦先皇 樂時奏
磬管鏘 鼓淵淵 鍾嗶嗶 奠尊俎 實玉觴
神歆饗 咸說康 宴孫子 祐無疆 大孝烝烝
德教被萬方

於穆我皇

古雉子行

於穆言聖皇受命德合神明也

於穆我皇

盛德聖且明

受禪君世

光濟羣生

普天率土

莫不來庭

顯顯六合內

望風仰泰清

萬國雖雖

興頌聲

大化洽

地平而天成

七政齊

玉衡惟平

峨峨佐命

濟濟羣英

夙夜乾乾

萬機是經

雖治興

匪荒寧

謙道光

沖不盈

天地合德

日月同榮

赫赫煌煌

燿幽冥

三光克從

於顯天垂景星

龍鳳臻

甘露宵零

肅神祇

祇上靈

萬物欣戴

自天效其成

仲春振旅

古聖人出行

仲春言大晉申文武之教田獵以時也

仲春振旅

大致民

武教於時日新

師執提

工執鼓

坐作從

節有序

盛矣允文允武

蒐田表禡

申法誓

遂園禁

獻社祭

允矣時明國制

文武並用

禮之經

列車如戰

大教明

古今誰能去兵

大晉繼天

濟羣生

夏苗田

古臨高臺行

苗田言大晉田狩從時爲苗除害也

夏苗田

運將徂

軍國異容

文武殊

乃命羣吏

撰車徒

辯其名號

贊契書

王軍啓八門

行同上帝居

時路建大麾

雲旗翳紫虛

百官象其事

疾則疾徐則徐

回衡旋軫

罷陳敝車

獻禽享祠

烝烝配有虞

惟大晉

德參兩儀

化雲敷

仲秋獮田

古遠期行

仲秋言大晉雖有文德不廢武事從時以殺伐也

仲秋獮田

金德常剛

涼風清且厲

凝露結爲霜

白虎司辰

蒼隼時鷹揚

鷹揚猶周尚父

從天以殺伐

春秋時叙

雷庭震威耀

進退由鉦鼓

致禽祀祊

羽毛之用充軍府

赫赫大晉德

芬烈陵三五

敷化以文

雖治不廢武

光宅四海

永享天之祐

從天道

古石畱行

從天道言仲冬大閱用武脩文大晉之德配天也

從天道

握神契

三時亦講武事

冬大閱

鳴鑼振鼓鐸

旌旗象虹霓

文制其中

武不窮武

動軍警衆

禮成而義舉

三驅以宗仁

進止不失其序

兵卒練

將如虎

惟虓虎

氣陵青雲

解圍三面

殺不殄羣

偃旌麾

班六軍

獻享烝

脩典文

嘉大晉

德配天

祿報功

爵俟賢

饗燕樂

受茲百祿

嘉萬年

唐堯

古務成行

古曲也

唐堯言聖皇陟帝位德化光四表也

唐堯咨務成

謙謙德所興

積漸終光大

履霜致堅冰

神明道自然

河海猶可凝

舜禹統百揆 元凱以次升 禪讓應天曆

睿聖世相承 我皇陟帝位 平衡正準繩

德化四表 祥氣見其徵 興王坐俟旦

亡生恬自矜 致遠由近始 覆篑成山陵

披圖按先籍 有其證靈

玄雲 古玄雲行

古曲七

玄雲言聖皇用人各盡其材也

玄雲起山嶽 祥氣萬里會 龍飛何蜿蜒

鳳翔何翾翾 昔在唐虞朝 時見青雲際

今親遊方國

流光溢天外

鶴鳴在後園

清香隨風邁

成湯隆顯命

伊摯來如飛

周文獵渭濱

遂載呂望歸

符合如影響

先天天弗違

輟耕網時網

解褐衿天維

元功配二主

芬馨世所稀

我皇敘羣才

洪烈何巍巍

桓桓征四表

濟濟理萬機

神化感無方

髦才盈帝畿

丕顯惟昧旦

日新孔所咨

茂哉聖明德

日月同光輝

伯益

古黃爵行

古曲亡

伯益言赤鳥銜書有周公興今聖皇受命神雀
來也

伯益佐舜禹

職掌山與川

德侔十六相

思心入無閒

智理周萬物

下知衆鳥言

黃雀應清化

翔集何翩翩

和鳴棲庭樹

徘徊雲百閒

夏桀為無道

密網施山阿

酷祝振纖網

當奈黃雀何

殷湯崇天德

去其三回羅

逍遙羣飛來

鳴聲乃復和

朱雀作南宿

鳳皇統羽羣

赤鳥銜書至

天命瑞周文

神雀金來遊

爲我受命君

嘉祥致天和

膏澤降青雲

蘭風發芳氣

闔世同其芬

釣竿

古釣竿行

漢饒歌二十
二無釣竿

釣竿言聖皇德配堯舜又有呂望之佐以濟天功

治太平也

釣竿何冉冉

甘餌芳且鮮

臨川運思心

微綸沈九淵

太公寶此術

乃在靈祕篇

機變隨物移

精妙貫未然

游魚驚著釣

潛龍飛戾天 戾天安所至 撫翼翔太清

太清一何異 兩儀出渾成 玉衡正三辰

造化賦羣形 退願輔聖君 與神合其靈

我君弘遠略 天人不足并 天人初并時

昧昧何茫茫 日月有徵兆 文象興二皇

蚩尤亂生民 黃帝用兵征萬方

逮夏禹而德衰 三代不及虞與唐

我皇聖德配堯舜 受禪即祚享天祥

率土蒙祐 靡不肅 庶事康

庶事康

穆穆明明

荷百祿

保無極

永泰平

吳鼓吹曲十二篇

韋昭造

炎精缺者言漢室衰武烈皇帝奮迅猛志念在
匡救然而王迹始乎此也漢曲有朱鷺此篇當
之第一

炎精缺

漢道微

皇綱弛

政德違

衆姦熾

民罔依

赫武烈

越龍飛

陟天衢

耀靈威

鳴雷鼓

抗電麾

撫乾衡

鎮地機

厲虎旅

騁熊羆

發神聽

吐英奇

張角破

邊韓羈

宛穎平

南土綏

神武章

渥澤施

金聲震

仁風馳

顯高門

啓皇基

統罔極

垂將來

右炎精缺曲凡三十句句三字

漢之季者武烈皇帝悼漢之微痛卓之亂興兵
奮擊功蓋海內也漢曲有思悲翁此篇當之第二
漢之季 董卓亂 桓桓武烈 應時運

義兵興

雲旗建

厲六師

羅八陳

飛鳴鏑

接白刃

輕騎發

介士奮

醜虜震

使衆散

劫漢主

遷西館

雄豪怒

元惡僨

赫赫皇祖

功名聞

右漢之季曲凡二十句其十八句句

三字二句句四字

據武師者言大皇帝卒武烈之業而奮征也漢
曲有艾如張此篇當之第三

據武師

斬黃祖

肅夷凶族

革平西夏

炎炎大烈 震天下

右攄武師曲凡六句其三句句三字
三句四字

烏林者言曹操旣破荊州從流東下欲來爭鋒
大皇帝命將周瑜逆擊之於烏林而破走也漢
曲有上之回此篇當之第四

曹操北伐 拔柳城 乘勝席卷 遂南征

劉氏不睦 八都震驚 衆旣降 操屠荆

舟車十萬 揚風聲 議者狐疑 慮無成

賴我大皇 發聖明 虎臣雄烈 周與程

破操烏林 顯章功名

右伐烏林曲凡十八句其十句句四字八句句三字

秋風者言大皇帝說以使民民忘其死漢曲有攤攤此篇當之第五

秋風揚沙塵 寒露霑衣裳 角弓持弦急

鳩鳥化爲鷹 邊來飛羽檄 寇賊侵界疆

跨馬披介冑 忼慨懷悲傷 辭親向長路

安知存與亡 窮達固有分 志士思立功

邀之戰場 身逸獲高賞 身沒有遺封

右秋風曲凡十五句其十四句句五

字一句四字

克皖城者言曹操志圖并兼而令朱光爲廬江
太守上親征光破之於皖城也漢曲有戰城南
此篇當之第六

克滅皖城 遏寇賊 惡此凶孽 阻姦慝

王師赫征 衆傾覆 除穢去暴 戢兵革

民得就農 邊境息 誅君弔臣 昭至德

右克皖城曲凡十二句其六句句三

字六句句四字

關背德者言蜀將關羽背棄吳德心懷不軌大
皇帝引師浮江而禽之也漢曲有巫山高此篇
當之第七

關背德

作鷁張

割我邑城

圖不祥

稱兵北伐

圍樊襄陽

詹臂於股

將受其殃

魏夫具聖主

歡德與玄通

與玄通

親信呂蒙

泛舟洪汜池

滌涉長江

神武一何桓桓

聲烈正與風翔

歷撫江安城

大據郢邦

虜羽授首

百蠻咸同

盛哉三比隆

右關背德曲凡二十句其八句句四字

二句句六字七句句五字四句句三字

通荆門者言大皇帝與蜀交好齊盟中有關羽
自失之愆戎蠻樂亂生變作患蜀疑其眩吳惡
其詐乃大治兵終復初好也漢曲有上陵此篇
當之第八

荆門限巫山

高峻與雲連

蠻夷阻其險

歷世懷不賓

漢王據蜀郡

崇好結和親

申微中情疑

讒夫亂其間

大皇赫斯怒

虎臣勇氣震

蕩滌幽藪

討不恭

觀兵揚炎耀

厲鋒整封疆

整封疆

闡揚威武容

功赫戲

洪烈炳章

邈矣帝皇世

聖吳同厥風

荒裔望清化

化恢弘

煌煌大吳

延祚永未央

右通荆門曲凡二十四句其十七句

句五字四句句三字三句句四字

章洪德者言大皇帝章其大德而遠方來附也
漢曲有將進酒此篇當之第九

章洪德

邁威神

感殊風

懷遠鄰

平南裔

齊海濱

越裳貢

扶南臣

珍貨充庭

所見日新

右章洪德曲凡十句其八句句三字二句

句四字

從曆數者言大皇帝從籙圖之符而建大號也

漢曲有有所思此篇當之第十

從曆數

於穆我皇帝

聖哲受之天

神明表奇異

建號稱皇基

聰叡協神思

德澤浸及昆蟲

浩蕩越前代

三光顯精耀

陰陽稱至治

肉角步郊畛

鳳凰棲靈囿

神龜游沼池

圖讖摹文字

黃龍覲鱗

符祥日月記

覽往以察今

我皇多噲事

上欽昊天象

下副萬姓意

光被彌蒼生

家戶蒙惠賚

風教肅以平

頌聲章嘉喜

大吳興隆

綽有餘裕

右從曆數曲凡二十六句其一句句三字三句句四字二十二句句五字一句六字

承天命者言上以聖德踐位道化至德盛也漢曲有芳樹此篇當之第十一

承天命

於昭聖德

三精參象

符靈表德

巨石立

九穗植

龍金其鱗

鳥赤其色

輿人歌

億夫歎息

超龍升

襲帝服

躬淳懿

體玄嘿

夙興臨朝

勞謙日昊

易簡以崇仁

放遠讒與慝

舉賢才

親近有德

均田疇

茂稼穡

審法令

定品式

考功能

明黜陟

人思自盡

惟心與力

家國治

王道直

思我帝皇

壽萬億

長保天祿

胙無極

右承天命曲凡三十四句其十九句

句三字二句句五字十三句句四字

玄化者言上脩文訓武則天而行仁澤流洽天

下喜樂也漢曲有上邪此篇當之第十二

玄化象以天

陛下聖真

張皇綱

率道以安民

惠澤宣流而雲布

上下睦親

君臣酣宴樂

激發弦歌揚妙新

脩文籌廟勝

須時備駕巡洛津

康哉泰

四海歡忻

越與三五鄰

右玄化曲凡十三句其五句句五字

二句句三字三句句四字三句句七字

今鼓吹鐃歌詞

樂人以音聲相傳詁不可復解

大竭夜烏自云何來堂吾來聲烏奚姑悟姑尊盧

聖子黃尊來體清嬰烏白日爲隨來郭吾微令吾
應龍夜烏由道何來直子爲烏奚如悟姑尊盧
雞子聽烏虎行爲來明吾微令吾

詩則夜烏道祿何來黑洛道烏奚悟如尊爾尊
盧起黃華烏伯遼爲國日忠雨令吾

伯遼夜烏若國何來日忠雨烏奚如悟姑尊盧
面道康尊錄龍永烏赫赫福昨夜音微令吾

右四解上邪曲

幾令吾幾令諸韓亂發正令吾

幾令吾諸韓從聽心令吾若里洛何來韓微令
吾尊盧忌盧文盧子路子路爲路難如文盧炯
烏諸胙微令吾

幾令諸韓或公隨令吾

幾令吾幾諸或言隨令吾黑洛何來諸韓微令
吾尊盧安成隨來免路路子爲吾路奚如文盧
炯烏諸胙微令吾

右九解晚芝田

漢曲有遠
期疑是

幾令吾呼曆舍居執來隨咄武子邪令烏銜銜

相風其右其右

幾令吾呼羣議破萌執來隨吾咄武子邪令烏
今烏今臚入海相風及後

幾令吾呼無公赫吾執來隨吾咄武子邪令烏
無公赫吾踞立諸布始布

右三解艾張曲

鼓吹饒歌十五篇

何承天義熙中私造

朱路篇

朱路揚和鸞

翠蓋耀金華

玄牡飾樊纓

流旌拂飛霞

雄戟闢曠塗

班劒翼高車

三軍且莫喧

聽我奏鐃歌

清鞀驚短簫

朗鼓節鳴笳

人心惟愷豫

茲音亮且和

輕風起紅塵

渟瀾發微波

逸韻騰天路

續響結城阿

仁聲被八表

威震振九遐

蒼蒼介冑士

勗哉念皇家

思悲公篇

思悲公

懷衾衣

東國何悲

公西歸

公西歸

流二叔

幼主旣悟

偃禾復

偃禾復

聖志申

營都新邑

從斯民

從斯民

德惟明

制禮作樂

興頌聲

興頌聲

致嘉祥

鳴鳳爰集

萬國康

萬國康

猶弗已

握髮吐餐

下羣士

惟我君

繼伊周

親覩盛世

復何求

離離篇

離士多離心

荆民懷怨情

二凶不量德

構難稱其兵

王人銜朝命

正辭糾不庭

上宰宣九伐

萬里舉長旌

樓船掩江濱

駟介飛重英 歸德戒後夫 賈勇尚先鳴
逆徒既不濟 愚智亦相傾 霜鋒未及淦
鴈郢忽已清 西川無潛鱗 北渚有奔鯨
凌威致天府 一戰夷三城 江漢被美化
宇宙歌太平 惟我東郡民 曾是深推誠
戰城南篇

戰城南 衡黃塵 丹旌電燄 鼓靄震
勅敵猛 戎馬殷 橫陳亘野 若屯雲
仗大從 應三靈 義之所感 士忘生

長劒擊 繁弱鳴 飛鏑炫晃 亂奔星

虎騎躍 華毛旋 朱火延起 騰飛煙

驍雄斬 高旗搴 長角浮叫 響清天

夷羣寇 殪逆徒 餘黎霑惠 詠來蘇

奏愷樂 歸皇都 班爵獻俘 邦國娛

巫山高篇

巫山高 三峽峻 青壁千尋

深谷萬仞 崇巖冠靈 林冥冥

山禽夜響 晨猿相和鳴 洪波迅瀉

載逝載停

悽悽商旅之客

懷苦情

在昔陽九

皇綱微

李氏竊命

宣武耀靈威

蠢爾逆縱

復踐亂機

王旅薄伐

傳首來至京師

古之爲國

惟德是貴

力戰而虛民

鮮不顛墜

矧乃叛戾

伊胡能遂

洛爾巴子

無放肆

上陵者篇

上陵者

相追攀

被服纖麗

振綺紈

攜童幼 升崇巒 南望城闕 鬱槃桓

王公第 通衢端 高甍華屋 列朱軒

臨濬谷 掇秋蘭 士女悠奕 映隰原

指營丘 感牛山 爽鳩旣沒 景君歎

簪歲聿 游不還 志氣衰沮 玄鬢班

野莽宿 墳土乾 顧此纍纍 中心酸

生必死 亦何怨 取樂今日 展情懽

將進酒篇

將進酒 慶三朝 備繁禮 薦嘉肴

榮枯換

霜霧交

經春帶

命朋僚

車等旗

馬齊鑣

懷溫克

樂林濠

士失志

愠情勞

思旨酒

寄游遨

敗德人

甘醇醪

耽長夜

或淫妖

興屢舞

厲哇謠

形僂僂

聲號呶

首旣濡

志亦荒

性命夭

國家亡

詹後生

節酣觴

匪酒辜

孰爲殃

君馬篇

君馬麗且閑

揚鑣騰逸姿

駿足躡流景

高步追輕飛

冉冉六轡柔

奕奕金華暉

輕霄翼羽蓋

長風靡淑旂

願爲范氏驅

雖容步中畿

豈效詭遇子

馳騁趣危機

鉛陵策良駟

造父爲之悲

不怨吳坂峻

但恨伯樂稀

赦彼岐山盜

實濟韓原師

柰何漢魏主

縱情營所私

疲民甘藜藿

廐馬患盈肥

人畜貿厥養

蒼生將焉歸

芳樹篇

芳樹生北庭

豐隆正徘徊

翠穎陵冬秀

紅葩迎春開

佳人閑幽室

惠心婉以諧

蘭房掩綺幌

綠草被長階

日夕游雲際

歸禽命同棲

皓月盈素景

涼風拂中閨

哀弦理虛堂

要妙清且悽

嘯歌流激楚

傷此碩人懷

梁塵集丹帷

微飆揚羅袿

豈怨嘉時莫

徒惜良願乖

有所思篇

有所思思黃人曾閔子善養親和顏色奉晨昏至誠蒸蒸

通明神鄒孟軻爲齊卿稱身受祿不貪榮道不用獨攬楹

三從驛禮義明飛鳥集猛獸附戎事畢乃受娶哀我生

遘凶旻幼罹荼毒備艱辛慈顏絕見無因長懷慈惠託丘墳

雉子游原澤篇

雉子游原澤

幼懷耿介心

飲啄雖勤苦

不願棲園林

古有避世士

抗志清霄岑

浩然寄卜肆

揮擢通川陰

消搖風塵外

散髮撫鳴琴

卿相非所眄

何況於千金

功名豈不美

寵辱亦相尋

冰炭結六府

憂虞纏胸襟

當世須大度

量已不克任

三復泉流誠

自驚良已深

上邪篇

上邪下難正

衆枉不可矯

音和響必清

端影緣直表

大化揚仁風

齊人猶偃草

聖王旣已沒

誰能弘至道

開春湛柔露

代終肅嚴霜

承平貴孔孟

政敎戾申商

孝公明賞罰

六世猶克昌

李斯肆濫刑

秦氏所以亾

漢宣隆中興

魏祖寧三方

譬彼針與石

效疾故稱良

行葦非不厚

悠悠何詎央

琴瑟時未調

改弦當更張

矧乃治天下

此要安可忘

臨高臺篇

臨高臺

望天衢

飄然輕舉

陵太虛

攜列子

超帝鄉

雲衣雨帶

乘風翔

肅龍駕

會瑤臺

清暉浮景

溢蓬萊

濟西海

濯消盤

佇立雲岳

結幽蘭

馳迅風

遊炎州

願言桑梓

思舊遊

傾霄蓋

靡電旌

降彼天塗

頽窈冥

辭仙族

歸人羣

懷忠抱義

奉明君

任窮達

隨所遭

何爲遠想

念心勞

遠期篇

遠期千里客

肅駕候良辰
近命城郭友

具爾惟懿親

高門啓雙闥
長筵列嘉賓

中唐舞六佾

三廂羅樂人
簫管激悲音

羽毛揚華文

金石響高宇
絃歌動梁塵

脩標多巧捷

九劒亦入神
遷善自雅調

成化由清均

主人垂隆慶
羣士樂亡身

願我聖明君

邇期保萬春

石流篇

石上流水

湔湔其波

發源幽岫

永歸長河

瞻彼逝者

歲月其借

子在川上

惟以增懷

嗟我殷憂

載勞寤寐

遘此百罹

有志不遂

行年倏忽

長勤是嬰

永言沒世

悼茲無成

幸遇開泰

沐浴嘉運

緩帶安寢

亦又何愠

古之爲仁

自求諸己

虛情遙慕

終於徒己

宋書志第十二

宋書二十二

聖人制禮樂一篇巾舞歌一篇按景祐
廣樂記言字訛謬聲辭雜書宋鼓吹
鐃歌辭四篇舊史言詁不可解漢鼓
吹鐃歌十八篇按古今樂錄皆聲辭艷
相雜不復可分